



Senin, 04 Nopember 2024  
**Ogen: Maleaki 2:1-9**



**Nilah I Bas Dalan Si Benar**



**I**mam-iman e me si erdahin i bas Rumah Pertoton. Dahinna e me maba persembahen bangsa Israel man Tuhan. Ngajarken pemeteh si tahu-tuhu kerna Tuhan, ia me suruh-suruhan Tuhan, si nehken sura-sura Tuhan. Man bana me Tuhan ngerana, 'pehagalah Aku arah perbahanenndu.' Engkai maka iperentahken Tuhan gelah imam-imam e mehamat man Tuhan arah perbahanen?

Arah teori, enggo sikap kal kerina pengaturen imam-imam lako ngaturken peribadahen man Tuhan. Muat lagu-lagu si man endenzen ras ngaturken kerina persembahen. Tapi, imam-imam e jine nilah i bas dalam si benar e nari. Pengajarena mabai enterem kalak papak, sabap lain si ibelaskenna lain si idalankenna. Iajarkenna kerna sura-sura Tuhan, tapi ilanggarna perpadanenna ras Tuhan. Lanai iikutkenna sura-sura Tuhan; encidahken perdamen ras nggeluh sikeleng-kelengen. Erpendobahen idahna perpulungen. La seri atena ngenana perpulungen si bayak ras perpulungen si musil. Si bayak irembakina janah si musil la iperkuankenna pe.

Ngerana, ras ngajar kerna Kata Dibata la kepe bias. Nehken persembahen ku Rumah Pertoton pe kurangsa denga. Galang pe persembahenta ku Rumah Pertoton lenga kuh adi labo teridah perbahanenta mehuli ku sekelewetta. Leben nge kepe idalanken Kata Dibata e maka iajarken. Enggo lebe lit iidah perbahanenta mehuli, la rayo-ayo nandangi teman e situhuna si ngena ate Tuhan. Nuduhken biak si nggit erdame ras ndalanken kebenaran erpalasken kata Dibata. Mehamat man Tuhan e teridah arah lagu langkah siteptep wari. Jadi, persembahen situhu-tuhu e teridah arah perbahanen.